

# Ahmadinejad najavio nuklearne novosti

11 februar 2012 Izmijenjeno 19:31 CET

## Iranski je predsjednik kazao da njegova zemlja "nikada neće kapitulirati pred govorom sile" u nuklearnim pregovorima s velesilama

Iranski predsjednik Mahmoud Ahmadinejad najavio je u subotu, u govoru povodom 33. godišnjice islamske revolucije u toj zemlji, da će Iran uskoro objaviti "jako važno dostignuće" na nuklearnom polju, ali nije iznio pojedinosti. Iranski predsjednik također je kazao da njegova zemlja "nikada neće kapitulirati pred govorom sile" u nuklearnim pregovorima sa svjetskim velesilama. "Budete li koristili govor sile, otvorenom vam kažem, iranski narod neće nikada kapitulirati", rekao je, obraćajući se zapadnim zemljama. "Za vas je jedini mogući put priznati prava iranskog naroda (na nuklearnom polju) i vratiti se za pregovarački stol, svaki drugi put osuđen je na propast", dodao je Ahmadinejad u govoru koji je prenosila državna televizija.

Iran je na udaru oštrih međunarodnih i zapadnih sankcija zbog njegovog spornog nuklearnog programa, nakon neuspjeha više pokušaja dijaloga s velesilama za koji se obje strane međusobno optužuju.

### Poruka Hamasa

Izrael i Sjedinjene Američke Države također su u više navrata isticale da ne isključuju primjenu sile, ako sankcije ne budu dovoljne, ne bi li spriječili Iran da proizvede nuklearno oružje koje Teheran, tvrdi međunarodna zajednica, želi proizvesti.

Iran to odlučno opovrgava, navodeći da nuklearni program namjeravaj koristiti isključivo za energetske potrebe zemlje.

Ahmadinejad se obratio narodu sa pozornice ispred koje je postavljena maketa američke bespilotne letjelice, koja je, kako navodi Teheran, oborena kada je u decembru nadletjela njihovu teritoriju.

Ismail Haniyeh, premijer Hamasa u Gazi, također se obratio Iračanima uz Ahmadinejada, rekavši da će njegov pokret nastaviti pružati otpor Izraelu. „Oni žele da priznamo izraelsku okupaciju i prestanemo pružati otpor, ali, kao predstavnik palestinskog naroda i u ime svih slobodoljubivih naroda svijeta, objavljujem sa trga Azadi u Teheranu da nikada nećemo priznati Izrael“, kazao je Haniyeh. „Otpor će se nastaviti dok se sva palestinska zemlja, uključujući Al-Quds [u Jerusalemu] ne bude oslobođena, a sve izbjeglice se vrate kućama“.

Izvori: Al Jazeera